

## Helstu liðir í efnahagsreikningi Seðlabanka Íslands

Meðfylgjandi eru upplýsingar úr efnahagsreikningi Seðlabanka Íslands í lok september 2002 og til samanburðar í lok desember 2001 ásamt breytingum í ágúst 2002 og frá ársbyrjun 2002.

Gjaldeyrisforði Seðlabankans jókst af sérstökum ástæðum tímabundið um 12,2 milljarða króna í september og nam 49,7 milljörðum króna í lok mánaðarins (jafnvirði 575 milljóna Bandaríkjadala á gengi í mánaðarlok). Þessar breytingar má rekja til lánahreyfinga ríkissjóðs, en þær munu ganga til baka í október og nóvember. Erlend skammtímalán bankans hækkuðu lítillega í mánuðinum og námu 18,3 milljörðum króna í lok hans.

Seðlabankinn keypti gjaldeyri á innlendum millibankamarkaði fyrir 1,2 milljarða króna, og er það er í samræmi við áætlun hans um aðgerðir til að styrkja gjaldeyrisstöðu sína sem kynnt var í fréttatilkynningu bankans nr. 28/2002. Gengi íslensku krónunnar styrktist í mánuðinum um 1,2%.

Í ágúst var gerður framvirkur samningur um sölu á gjaldeyri við innlánsstofnun, en Seðlabankinn skuldbatt sig til að selja stofnuninni gjaldeyri samtals að fjárhæð 3,3 milljarðar króna í þremur greiðslum á tímabilinu september 2002 til mars 2003. Í september var fyrsti hluti þessa samnings efndur og seldi bankinn gjaldeyri að fjárhæð 1,8 milljarðar króna.

Markaðsskráð verðbréf í eigu bankans námu 5,1 milljarði króna í septemberlok miðað við markaðsverð. Þar af námu markaðsskráð verðbréf ríkissjóðs 1,8 milljörðum króna.

Kröfur Seðlabankans á innlánsstofnanir drógust saman um 3,8 milljarða króna í september og námu 74,8 milljörðum króna í lok mánaðarins. Kröfur á aðrar fjármálastofnanir breyttust lítið í mánuðinum og námu 6,0 milljörðum króna í mánaðarlok.

Nettókröfur bankans á ríkissjóð og ríkisstofnanir lækkuðu um 12,9 milljarða króna í september og námu nettóinnstæður ríkissjóðs 37,9 milljörðum króna í lok mánaðarins.

Grunnfé bankans lækkaði í september um 5,5 milljarða króna og nam það 33,4 milljörðum króna í mánaðarlok.

Nánari upplýsingar veita bankastjórar Seðlabanka Íslands og Erla Árnadóttir aðalbókari í síma 569-9600.

Helstu liðir í efnahagsreikningi Seðlabankans  
- í milljónum króna -

	Staða í lok tímabils		Hreyfingar 2002	
	Desember 2001	September 2002	Frá ára- mótum	Í september
<b><u>Eignaliðir :</u></b>				
Gjaldeyrisforði	36.573	49.759	13.186	12.229
Markaðsskráð verðbréf	5.099	5.127	28	68
Ríkissjóðs	2.144	1.773	-372	30
Annarra	2.954	3.354	400	38
Kröfur á innlánsstofnanir	54.053	74.785	20.732	-3.821
Kröfur á aðrar fjármálastofnanir	22.774	6.054	-16.720	61
<b><u>Skuldaliðir:</u></b>				
Erlendar skuldir til skamms tíma	14.979	18.271	3.292	390
Seðlar og mynt	9.174	9.010	-164	-341
Almennar innstæður innlánsstofnana	965	1.168	204	-413
Staða á bindireikningum innlánsstofnana	17.678	23.190	5.512	-4.723
Almennar innstæður annarra fjármálastofnana	837	919	82	522
Staða á bindireikningum annarra fjármálastofnana	1.288	1.271	-17	-49
<b><u>Liðir til skýringar :</u></b>				
Gjaldeyrisstaða Seðlabankans, nettó:	21.595	31.488	9.893	11.839
Kröfur á ríkissjóð og ríkisstofnanir, nettó:	-31.099	-37.883	-6.784	-12.876
Kröfur á aðra, brúttó	76.932	80.938	4.006	-3.749
Grunnfé:	27.817	33.368	5.551	-5.476

**Skýringar:**

*Gjaldeyrisforði sýnir brúttóeign Seðlabankans í erlendum gjaldeyri. Markaðsskráð verðbréf ríkissjóðs sýna eign bankans í spariskírteinum ríkissjóðs, ríkisbréfum og ríkisvxlum. Markaðsskráð verðbréf annarra eru húsbref og húsnæðisbréf. Kröfur á innlánsstofnanir eru brúttókröfur bankans á innlánsstofnanir. Kröfur á aðrar fjármálastofnanir eru brúttókröfur bankans á þessar stofnanir. Erlendar skuldir til skamms tíma sýna skammtímalán sem Seðlabankinn tekur við og við, m.a. í því skyni að styrkja gjaldeyrisforðann. Seðlar og mynt sýna heildarfjárhæð seðla og myntar í umferð utan Seðlabanka. Almennar innstæður innlánsstofnana og annarra fjármálastofnana eru innstæður þeirra á viðskiptareikningum í Seðlabankanum og bundnar innstæður innlánsstofnana og annarra fjármálastofnana eru innstæður sem þeim er skylt að eiga í Seðlabankanum í samræmi við bindiskyldu sem bankinn ákveður. Neðanmáls eru sýndir fjórir liðir til skýringar, í fyrsta lagi nettógjalddeyrisstaða Seðlabankans sem sýnir erlendar eignir til skamms tíma að frádregnum erlendum skuldum til skamms tíma, í öðru lagi nettókröfur Seðlabankans á ríkissjóð og ríkisstofnanir, þ.e. skuldir þessara aðila við Seðlabankann að frádregnum innstæðum þeirra í bankanum, í þriðja lagi innlendar brúttókröfur á aðra en ríkið, og í fjórða lagi grunnfé bankans en til þess teljast seðlar og mynt í umferð og innstæður innlánsstofnana í Seðlabankanum.*